

# INUIT ATAQATIGIIT INATSISARTUNI



20. august 2021

UKA2021/106

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Siku Blocki malillugu nunatsinni sanaartornermut atugassatut pilersitsisoqarsinnaanera, taamaaliornikkut nunatsinni illuliornerup aningaasatigut imminut nammassinnaasumik ingerlanissaanut ilapittuutinngorlugu periarfissiuunnissaa pillugu Naalackersuisut UKA2022-mi nassuiaammik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Mariane Paviasen, Inuit Ataqatigiit)

## **Tunngavilersuut:**

Ukiorpassuarni nunatsinni illulioriaaseq nunani allaniit atortusnaanavinnik atortoqarluni suliarineqartarpoq, naak nunatta iluani illuliarilluarneqarsinnaasumik ajukkunnangilluinnartumik qarmasissiamik suliaqarluni nassaartoqareeraluartoq.

Sikublock tassaavoq qammasissiaq nunatta iluani sananeqarsinnaasoq, maannamullu killilimmik Narsami Narsarsuarmilu sanaartornermi atorineqartoq. Ukiorpaat matuma siornali sanaagaluarlutik taakku aalajaallutik nunartigassaanatik annerusumik aserfallassimanatik inissisimapput.

Narsami utoqqaat illuata ilaa sikublockimik sanaajuvoq. Silataa qalipanneqartariaqarneq ajorpoq, aserfallatsaaliugassaaniluunniit.

Qisuit tikisinneqartut atorlugit sanaartornermi illut aserfallakkiartortarnerisa ajornartorsiutaanerat annertuvoq, tamannalu aserfallatsaaliinermik annertuumik pilersitsisarpoq.

# INUIT ATAQATIGIIT INATSISARTUNI



Illut taakku ukiut tamarluinnangajaasa silatimikkut qalipanneqartariaqartarput, oqummik ajornartorsiuteqartarput, kiassarniarlugillu annertuumik oliamik atuisoqartariaqartarpoq.

Sikublocki atorlugu sanaartorneqarsimasuni qisuit tikisinneqarsimasut atorlugu sanaanut sanilliullugit oliamik atuinerunngillat.

Nunatsinnit periarfissat tunniunneqartut atortussaavagut, pingaartumik ukiorpassuarni allanngoratik piusinnaasut eqqarsaatigalugit.

Isumaqarpunga nunatta tunniussinnaasaat iluatinnaatilerujussuusut nunatta iluani sanaartornerit ingerlatsiutigalugit avammut tunisassiarneqarsinnaalluartutut isiginarput, Naalakkersuisunullu atorsinnaasusaat maannangaaq misissueqqullugit atorsinnaasusaasalu akilersinnaasuseqarneranik misissueqqullugit, missuinertillu 2022-mi saqqummiutissagaat.

## **Pisortanut aningaasatigut allaffissornikkullu kingunerisassat:**

AC-itut atorfilittat marluk ukiumut naammassisinnaasaanik suliaq annertussuseqassaaq.

## **Namminersorluni inuussutissarsiuteqarnermut aningaasatigut allaffissornikkullu kingunerisassat:**

Soqanngilaq.

## **Innuttaasunut aningaasatigut allaffissornikkullu kingunerisassat:**

Soqanngilaq.